

Bulletin

Incwadi ethunyelwa amalungu e-Bhunga le Overstrand esesikweni



LUNGELA UNYULO LWEKOMITI YEWADI LWANGO-2027

UMasipala wase-Overstrand ulungiselela uNyulo lweKomiti yeWadi oluzayo ngoFebruwari 2027 ekwaye ukhuthaza abahlali, amaqela oluntu kunye nemibutho ukuba baqale ukucinga ngokuba ngubani abangathanda ukubona emele iimfuno zabo zewadi kunye nezoluntu.

Ukukhetha amalungu ekomiti afanelekileyo kubalulekile kunxibelelwano olukabini oluhle phakathi koluntu kunye noMasipala. Banokuphakamisa imiba eyenzeka kwiwadi, bachonge apho kufuneka khona uphuculo okanye iiprojekthi ezintsha ngeendlela ezifanelekileyo, kwaye bagcine abahlali benolwazi malunga neeprojekthi zikamasipala kunye namaxesha amiselweyo.

Amalungu ekomiti anokunceda abahlali baqonde ukuba uMasipala unoxanduva luni, yintoni igunya lakhe kunye nemida enokuchaphazela ukunikizelwa kweenkonzo.

Eli linyathelo lokuqala kule nkqubo kwaye liza kunceda ekumiseleni ukuba yeyiphi imibutho kunye nezakhiwo zoluntu ezinomdla wokusebenza kwiKomiti yeWadi. Iwadi nganye iya kuba namalungu eKomiti yeWadi ali-10, aya kufuneka adibane rhoqo noCeba weWadi yawo, athathe inxaxheba kumatyelelo endawo unyaka wonke kwaye alungiselele iintlanganisano zengxelo zekota kunye nabantu abakwiindawo zabo.

Imibutho kunye namaqela oluntu kufuneka asebenzise ixesha ngaphambi kukaSeptemba ukuqinisekisa ukuba amaxwebhu abo angundoqo afanelekile.

Oku kuqoka ukuba nomgaqo-siseko okanye olunye uxwebhu olulawulayo apho kufanelekileyo, kunye neenkukacha ezifunekayo ukugcwalisa ifomu Yokubonakalisa Umdla.

Ukuba umbutho wakho awunawo umgaqo-siseko okanye ufuna uncendo ngamaxwebhu awo, uncendo luya kufumaneka kwiqela likaMasipala loNxibelelwano loLuntu ukukunceda ulungiselele.

Ifomu Yokubonakalisa Umdla ifuna iinkukacha ezifana negama lombutho, icandelo okanye ibhloko yendawo, nokuba inomgaqo-siseko okanye uxwebhu olulawulayo, umhla wokusekwa kunye nenani lilonke lamalungu njl.njl.

QALISA UKUZILUNGISELELA NGOKU

Ngenyanga ka-Septemba/Oktobha 2026, uMasipala uza kumema imibutho ebhalisiweyo, amacandelo kunye neebhloko ezichongwe kwangaphambili ngokweendawo okanye zemibutho ukuba zingenise iSibhengezo soMdlal sokuthatha inxaxheba kuNyulo lweeKomiti zeWadi.

NGUBANI ONOKUTHATHA INXAXHEBA?

Umdla uyaminywa kwizakhiwo zasekuhlaleni ezisebenza kwiwadi ethile, kuquka:

- Imibutho: Amaqela amele izinto ezithile, njengolutsha, abafazi, amaqela enkolo, imibutho yabahlawuli berhafu kunye nemibutho yabanini bezindlu. Amaqela ezopolitiko awafanelekanga.
- Amacandelo: Imibutho yoququzelelo (i-Umbrella bodies) emele iimfuno zoluntu ngokubanzi, njengezemidlalo nokuzonwabisa, okanye impilo nentlalontle.
- Iibhloko zeJografi (zeNdawo) Ezimisilwe kwangaphambili: Amaqela amele iindawo ezithile kwiwadi, njengeendawo zasekuhlaleni, ulwandiso okanye iilali.

ABAPHATHI BAKAMASIPALA ABAXHASILEYO E-GEORGE

IBhunga livumile ukuxhaswa komphathi kamasipala, uGqr. Dean O'Neill, kuMasipala waseGeorge ukuze asebenze njengomphathi kamasipala obambeleyo kangangexesha leenyanga ezintathu, enomkhethe wokwandisa eli lungiselelo kangangeenyanga ezintathu ezongezelelweyo ukuba kuyimfuneko.

UMasipala waseGeorge ucele ukuxhaswa komphathi kamasipala wase-Overstrand kuMasipala waseGeorge ukuba asebenze njengomphathi kamasipala emva kokuba isivumelwano somphathi wangaphambili kamasipala siphelisiwe.

UMnu. Edward Jantjies usebenza njengomphathi kamasipala obambeleyo kuMasipala wase-Overstrand ngexesha lokungabikho kukaGqr. O'Neill. Uthathe imisebenzi yakhe ngoLwesibini, nge-11 ka-Agasti 2026.

OKUBALULEKILEYO

Umtyumbi, umtyunjwa kunye nomxhasi bonke kufuneka babe ngabavoti ababhalisiweyo kwiKhomishini yoNyulo (i-IEC) kwiwadi ethile.

Inkqubo epheleleyo yokuchonga iza kulandela ngo-Oktobha 2026, kunye neenkukacha ezongezelelweyo malunga neemfuno, inkqubo yokunyula kunye namaxwebhu anikezelweyo kufutshane nexesha.

Jonga iwebhusayithi kaMasipala (www.overstrand.gov.za > Malunga nathi > Isaziso seWadi Sokubonakalisa Umdla kunye neenkukacha ezongezelelweyo.

INGABA AWUKWAZI UKUHLAWULA I-AKHAWUNTI YAKHO KAMASIPALA NGOKUPHELELEYO?



Nceda wenze amalungiselelo okuhlawula noMasipala ngaphambi kokuba kuthathwe amanyathelo olawulo lwetyala.

Musa ukulinda de kube kade kakhulu kwaye iinkonzo zithintelwe. Masiyilungise le nto ngaphambi kokuba kufuneka amanyathelo.

Ingxelo yeNqubela-phambili:

UKUPHUCULA OKUQHUBEKAYO KWIZISEKO ZAMANZI NAMANZI AMDAKA E-OVERSTRAND

UMasipala wase-Overstrand uyaqhubeka nokutyalala imali kwiziseko zophuhliso zamanzi nococeko ezibalulekileyo ukuqinisekisa iinkonzo ezithembekileyo kubahlali kunye nokuxhasa iimfuno zoluntu olukhulayo. Ezi projekthi ziqhubekayo zigxile ekuphuculeni amandla, ukuqina kunye nokusebenza kakuhle kweenkqubo zamanzi nococeko, ngelixa zikhuselela okusingqongileyo kunye nokugcina umgangatho wamanzi kuwo wonke ummandla.

UKUPHUCULWA KWESITISHI SOKUMPOMPA AMANZI E-ONRUS KUYAQHUBEKA

Umsebenzi wokwakha uyaqhubeka ngophuculo lwezigididi ezingama-R30 sesitishi sokumpompa amanzi amdaka sase-Onrus ecaleni kwechweba lase-Onrus emva kokufumana igunya lokusingqongileyo leprojekthi kwiSebe leMimici yezeNdalo. Le projekthi iya kubonelela ngomthamo wokugcina onxamisekileyo, ngelixa inyusa kakhulu umthamo wokuphuma kwesitishi sokumpompa ukuhambisa amanzi amdaka kwindawo yokucoca amanzi amdaka yaseSchulphoek eHermanus.

Iprojekthi egqityiweyo, ecwangciselwe phakathi kowama-2027, iya kunciphisa kakhulu umngcipheko wokuchitheka kwelindle kwichweba lase-Onrus elibuthathaka.

UPHUHLISO LWEBALA LEQULA

UMasipala uyaqhubeka nophuhliso lwamanzi angaphantsi komhlaba kunye nomsebenzi wokulungiselela ukukhupha iityuwa emanzi olwandle, kunye nekontrakta yokugrumba ekwindawo okwangoku yebala lequla laseGateway eHermanus. Emva kokuba igqityiwe eGateway, iikontrakta yokugrumba iza kushenxela ePearly Beach ukuze iholele amanzi angaphantsi komhlaba kuloo ndawo kwinxalenye yokugqibela ka-2026.



FAKA IZIKHALAZO NGEE-AKHAWUNTI ZAMANZI EZIPHEZULU NGOKUKHAWULEZA UZE UJONGE UKUVUZA

Emva kwenkxalabo ephakanyiswe ngabahlali malunga nemibhobho egqabhukayo, ukuvuza kwangaphantsi komhlaba kunye neeakhawunti zamanzi ngokungaqhelekanga, uMasipala wase-Overstrand angathanda ukukhumbuzisa abathengi ukuba uncedo lwemali lunokufumaneka phantsi kwecandelo 6.8.1 (Ukuvuza kwaManzi) loMgaqo-nkqubo woKhathalelo lwaBathengi, uLawulo lweTyala kunye nokuQokelelwa kwaMatyala. Ngelixa isicelo ngasinye sivavanywa ngokweempawu zaso kwaye ngokuhambelana nomgaqo-nkqubo, abathengi abafanelekileyo bangafaka isicelo sesaphulelo sokuvuza kwamanzi apho ukusetyenziswa kwamanzi amaninzi kubangele ukuvuza kwicala lomthengi kwimitha yamanzi. Abahlali kufuneka baqaphele ukuba uxanduva lokugcina imibhobho kwicala lomthengi kwimitha yamanzi luhla-lu luphethwe ngumnini wepropathi. Nangona kunjalo, lo mgaqo-nkqubo ubonelela ngoncedo lwemali kwiimeko ezifanelekileyo apho iimfuno ezithile zifizekisiweyo.

UKUZE BAFANELEKE, ABATHENGI KUFUNEKA:

- Banganise isicelo sesaphulelo sokuvuza kwamanzi esigcwalisiweyo kwifomu emiselweyo kwiintsuku ezingama-90 emva kokuba ukuvuza kulungisiwe.
- Balungise ukuvuza kwiintsuku ezili-10 zokusebenza emva kokuyifumana, okanye bathathe amanyathelo asebenzayo okuthintela ukulahleka kwamanzi okungakumbi.
- Banganise amaxwebhu axhasayo, njengengxelo yombhobho okanye i-invoysi, ubungqina bokulungisa, okanye i-afidavithi evela kumntu owenze ukulungiswa.
- Bahlangabezane neemfuno zomgaqo-nkqubo malunga nezicelo zangaphambili, njengoko izaphulelo zokuvuza kwamanzi zihlala zikhawulelwe kwisicelo esinye rhoqo kwiinyanga ezili-18, ngokuxhomekeke kwimimiselo yomgaqo-nkqubo.

Apho kuvunyiweyo, isaphulelo sibalwa ngokwexabiso lokusetyenziswa kwamanzi angaphezulu kunomyinge wokusetyenziswa komthengi kangangexesha elininzi leenyanga ezintathu. Abathengi banokufanelekela isaphulelo kwiindleko zamanzi agqithisileyo apho banokubonisa ukuba amanzi avuzayo awangenanga kwimibhobho kamasipala. Nceda uqaphele ukuba ukuvuza okuquka iinkqubo zokuncenkceshela akufanelanga isaphulelo sokuvuza kwamanzi. Ifomu yesicelo sesaphulelo sokuvuza kwamanzi esimiseliweyo iyafumaneka kwiwebhusayithi kaMasipala ku-www.overstrand.gov.za phantsi kwe lifomu zesisicelo > linkonzo zezeMali: Isicelo sesaphulelo samanzi.

Ukuba unemibuzo okanye ungenise ibango lakho, qhagamshelana neSebe lezeMali ku-028 313 8000 okanye ku-enquiries@overstrand.gov.za, sebenzisa i-Overstrand Citizen App, okanye utyelele iofisi kamasipala ekufutshane nawe.

Ukubonwa kwangoko kokuvuza, ukulungiswa ngokukhawuleza kunye nokungeniswa kwezicelo ngexesha elifanelekileyo kunokunceda ukuthintela ukulahleka kwamanzi okungakumbi kunye nokunciphisa impembelelo yemali yokusetyenziswa kwamanzi agqithisileyo.

UKUTYALA IMALI KWIZISEKO ZAMANZI NAKUMANZI AMDAKA Iprojekthi ye-Onrus yinxalenye yenkqubo ebanzi yotyalo-mali oluqhutywa nguMasipala wase-Overstrand ukuqinisa iziseko zophuhliso zamanzi namanzi amdaka kuwo wonke ummandla kamasipala.

Uhlalo-lwabiwo mali lukaMasipala luka-2026/27 luquka inani leprojekthi zamanzi namanzi amdaka eziqhubekayo, kuquka ukuhlaziya kwemisebenzi yokucoca amanzi yaseBuffelsrivier kufutshane nePringle Bay, ukuphuculwa kwamabala amaqula aseHermanus, uphuhliso lwamanzi angaphantsi komhlaba ePearly Beach, kunye nokutshintsha kwemibhobho yamanzi.

Iprojekthi zenkqubo yamanzi amdaka ziquka ukuphuculwa okukhankanywe ngasentla kwisitishi sokumpompa sase-Onrus, kunye nokuhlaziya nokuphuculwa kwemisebenzi yokucoca amanzi amdaka yaseHawston, okwangoku okukwinqanaba lovavanyo lwempembelelo zokusingqongileyo, ukuphuculwa kwenkqubo ye-telemetry (ukurekhoda nokudlulisa izinto ezifundiweyo) amanzi amdaka, kunye nokwandiswa kwenethiwekhi yamanzi amdaka yaseHawston.



IMISEBENZI YOKUCOCWA KWAMANZI E-BUFFELSRIVIER (WTW)

Olunye utyalo-mali olukhulu kwiziseko zamanzi zaseOverstrand kukuhlaziya nokuphuculwa kweBuffelsrivier WTW, ephatha amanzi angacocwanga avela kwiDam yoMlambo iBuffels ukuze anikezelwe ngobuninzi kwiidolophu zaseRooi-Els, ePringle Bay naseBetty's Bay.

Ukwakhiwa kucwangciselwe ukuqhubeka kude kube sisiqingatha sesibini sika-2027. Iindleko zokwakha zizigidi ezingama-R64, ezixhaswa kakhulu sisibonelelo seziseko zamanzi esivela kwiSebe lezaManzi noCoceko.

Le projekthi iquka isakhiwo esitsha sokungena, itanki entsha le-flocculation exutywe ngoomatshini, inkqubo entsha yokuhlaza, inkqubo entsha yokubulala iintsholongwane, iinkqubo ezintsha zokugcina iikhemikhali kunye nokunika amathamo, inkqubo entsha yokuhlaziya amanzi, kunye nesakhiwo esitsha solawulo kunye negumbi lokulawula.

NDINGAZI NJANI UKUBA NDINOKUVUZA KWAMANZI KWIPROPATI YAM?



Ukuvuza kwamanzi angaphantsi komhlaba kunokungabonakali kangangeeveki okanye iinyanga kwaye kunokubonakala kuphela xa ufumana iakhawunti yamanzi kamasipala ephezulu ngokungaqhelekanga.

Ukuba ukrokrela ukuvuza, zama olu vavanyo lulula:

- MVala zonke iimpompo kwaye uqinisekise ukuba akukho manzi asetyenziswayo kwipropati.
- Fumana imitha yakho yamanzi, edla ngokufumaneka kufutshane nomda wepropati.
- Bhala phantsi ukufundwa kwemitha.
- Qinisekisa ukuba akukho mntu usebenzisa amanzi ubuncinane iyure enye (okanye wenze uvavanyo ubusuku bonke).
- Jonga kwakhona ukufundwa kwemitha. Ukuba umlinganiselo unyukile, kusenokwenzeka ukuba kukho ukuvuza kwipropati yakho.

Ii-akhawunti zamanzi eziphezulu kakhulu zinokubangelwa zezi zinto zilandelayo:

- Ukuvuza ngaphantsi komhlaba okanye okufihliweyo
- Izindlu zangasese okanye iimpompo ezivuzayo
- Ukufundwa kwemitha okungachanekanga
- Iimitha zamanzi ezingalunganga (ezingaqhelekanga)

Ukuba ukholelwa ukuba iakhawunti yakho iphezulu ngokungaqhelekanga, qhagamshelana neSebe lezeMali likaMasipala wase-Overstrand ukuqinisekisa iakhawunti yakho kunye nokufundwa kwemitha. Ungathumela i-imeyili kwi-enquiries@overstrand.gov.za, ufake isikhalazo (isicelo senkonzo) nge-Overstrand Citizen App, okanye utyelele iofisi kamasipala ekufutshane nawe. Ukuba ukuvuza kuqinisekisiwe kwicala lakho lemitha yamanzi, kuhlala kungumsebenzi womnini wepropati ukulungiselela ukulungiswa.

Nangona kunjalo, abathengi abafanelekileyo bangafaka isicelo sesaphulelo sokuvuza kwamanzi ngokwemigaqo yoMgaqo-nkqubo woKhathalelo lwabaThengi, uLawulo lweTyala kunye nokuQokelelwa kwaMatyala, iCandelo 6.8: inkqubo zoNcedo lwabaThengi – 6.8.1 Ukuvuza kwamanzi. Izicelo mazingeniswe kwifomu emiselweyo, kunye namaxwebhu axhasayo afunekayo, kwiintsuku ezingama-90 emva kokuba ukuvuza kulungisiwe.